



8









石譜

石譜目錄

靈璧石

青州石

林慮石

平江府太湖石

無爲軍石

臨安石

湖州武康石



崑山石

江華石

常山石

開化石

澧州石

英石

湖口石

袁石

平泉石

兗州石

永康石

排牙石

品石

永州石

石筍

泰巖



嶧山石

耒陽石

襄陽石

黃山石

峴山石

排衙石

清溪石

刑石

仇池石

盧溪石

下山石

涵碧石

吉州石

全州石

何君石

孰潭石



洪巖石

韶石

袁州石

萍鄉石

修口石

魚龍石

萊石

號石

階石

登州石

松化石

穿心石

洛河石

零稜石燕

相州石

西蜀石



瑪瑙石

奉化石

吉州石

婺源石

通遠石

六合石

蘭州石

溜州石

鼎州石

壽春石

絳州石

辰州石

肅慎氏石矢

上猶石

螺子石

栢子瑪瑙石



寶華石

石州石

鞏石

燕山石

韶石

桃花石

端石

小湘石

白馬寺石

密石

黃巖石

鸚鵡石

紅絲石

石綠

無爲石

泗州石



礬石

金華石

松磁石

菩薩石

于闐石

黃州石

華嚴石

建州石

汝州石

鍾乳石

飯石

量土石

南劔石

石鏡

琅玕石

菜葉石



滄州石

方城石

登州石

王山石

雪浪石

杭石

大沱石

青州石

龍牙石

石碁子

分宜石

鍾乳石

浮光石



石譜

宋杜綰著

明毛晉校

靈壁石

宿州靈壁縣地名磬山石產土中歲久穴深數丈其質爲赤泥漬滿土人多以鐵刃遍刮凡三兩次既露石色卽以黃蓓帚或竹帚兼磁末刷治清潤扣之鏗然有聲石底多有漬土不能盡



去者度其頓放卽爲向背石在土中隨其大小  
具體而生或成物狀或成峰巒巉巖透空其眼  
少有宛轉之勢或多空塞或質扁朴或成雲氣  
日月佛像或狀四時之景須藉斧鑿修治磨礪  
以全其美或一面或三四面若三四面全者卽  
是從土中生起凡數百之中無一二有得四面  
者多是礧者石尖擇其奇巧處鐫治取其底平  
頃歲靈壁張氏蘭臯亭列巧石頗多各高一二

丈許峯巒崑竇嵌空具美大抵亦三兩面背亦  
着土又有一種石理踈踐若胡桃殼紋其色稍  
黑大者高二三尺小者尺餘或如拳大坡拖拽  
脚如大山勢鮮有高峰巖竇又有一種產新坑  
黃泥溝峯巒嵌空奇巧亦須刮治扣之稍稍有  
聲但石色青淡稍燥軟易於人爲不若磬山清  
潤而堅此石宜避風日若露處日久卽色轉白  
聲亦隨減書所謂泗濱浮磬是也



青州石

青州石產之土中大者數尺小亦尺餘或大如拳細碎磊砢未成物狀在穴中性頗軟見風卽勁凡採之易脆不可勝舉其質玲瓏竅眼百倍於他石眼中多爲軟土充塞徐以竹枝洗滌淨盡宛轉通透無峯巒峭拔勢石色帶紫微燥扣之無聲土人以石藥粘綴四面取巧像雲氣枯木怪石欹側之狀

林慮石

相州林慮石地名交口其質堅潤扣之有聲一種出土中採之穴地見石則尋坑坎處石多倒生向下垂如鍾乳融結皆天然鑿去麓石畱石座如板山多自載山一座峯巒下秀高拔或如無物狀石色甚碧曾貢入內府有監關蒼虬洞天凡十餘品各高數寸甚奇異又有一種色稍班而微黑產土中微有土漬易於洗滌有大山



石譜  
三  
勢四面徘徊無背稍著土千巖萬壑峰巒迤邐  
頗多嵌空洞穴宛轉相通不假人爲至有中虛  
可施香燼靜而視之若煙雲出沒巖岫間此石  
因崇寧年方田相視地脉偶得之大不踰三五  
尺至如拳大奇巧百怪

平江府太湖石

產洞庭水中石性堅而潤有嵌空穿眼宛轉嶮  
怪勢一種色白一種色青而黑一種微黑青其

質文理縱橫籠絡起隱於石面遍多坳坎蓋因  
風浪中衝激而成謂之彈子窩扣之微有聲採  
人攜鎚鑿入深水中頗艱辛度奇巧取鑿貫以  
巨索浮大舟設木架口而出之其間稍有巉巖  
特勢則就加鑄礮取巧復沉水中經久爲風水  
冲刷石理如生此石巖最高有三五丈低不踰  
十數尺間有尺餘惟宜植立軒檻裝治假山或  
羅列園林廣榭中頗多偉觀鮮有小巧可置几



案間者

無爲軍石

無爲軍石產土中連接而生擇奇巧者卽斷取之易爲洗滌不着泥漬石色稍黑而潤大者高數尺亦有盈尺及五六寸者多作群山勢扣之有聲至有一段二三尺間群峰聳拔連接高下凡數十許巉巖澗谷不異真山頃年維揚俞次契大夫家獲張氏一石方圓八九尺上有峰巒

高下不知數中有谷道相通目之爲千峯石又朱芾爲太守獲異石拜者四面巉巖峻口但石苗所出不廣佳者頗艱得之

臨安石

杭州臨安縣石出土中有兩種一深青色一微青白色其質奇怪無尖峰崒嶽勢高者十數尺小者數尺溫潤而堅扣之有聲間有質朴從而斧鑿修治磨礨增巧頃歲錢塘千頃院有石一



石譜  
塊高數尺舊有小承天法喜堂徒弟授衣鉢得  
此石價值五百餘千其石置方斛中四面嵌空  
嶮怪洞穴委曲於石罅間植枇杷一株頗年遠  
巖竇中嘗有露珠凝滴目爲醜石元居中有詩  
略云人久衆所憎歲久衆所惜爲負磊落姿不  
隨寒暑易政和間取歸內府此石之尤者

湖州武康石

出土中一青色一黃黑而斑其質頗燥不堅無

巖巖峰巒雖多透空渲眼亦不堪宛轉採  
入穴石多臥生甚廣潤度奇巧處以鐵鑿揭  
取之或多細碎大抵石性區側多澗道摺疊勢  
如中假山藉此爲山脚石座間有險怪尖銳者  
側立爲峰巒頗勝青州穿眼宛轉渾然可觀  
崑山石

平江府崑山縣石產土中多爲赤土積漬旣出  
土倍費挑剔洗滌其質磊塊巖巖透空無聳拔



巒勢扣之無聲土人唯愛其色潔白或種植  
小木或種溪蓀於奇巧處或置立器中互相貴  
重以求售至正初杭州臯亭山後太山出石與  
此山石無分毫之異

### 江華石

道州江華永寧二縣皆產石在亂山間於平地  
上空礮積永寧石疊而生成或大或小不相粘  
江華一種稍青色一種灰黑間有巒巘特勢

其質例皆麤澀枯燥扣之有聲未見絕奇巧者  
唯永寧所產大者十數尺或二三尺至有尺餘  
或大如拳或多細碎每就山採石散處地土莫  
知其數蓋率皆奇怪大抵各隨人所欲旣擇絕  
佳者多爲泥土苔蘚所積以水漬一兩日用磁  
末痛刷一種色深青一種微青一種微黑其色  
質堅潤扣之有聲或多坳坎頗類太湖彈子窩  
峰巒巘巘四面亦多透空險怪萬狀或有數尺



若大山氣象千巘萬壑群峰環遶中有谷道拽脚類諸物像不可槩舉非人力能爲之大抵其石多白脉又有如大山之巔合三兩峰間因石脉相連數道而成瀑布直落澗壑凡遇石塞路迸濺卽散漫分流石之兩邊如圖寫之狀

### 常山石

衢州常山縣思溪又地名石洪或云空字石去水底側垂似鍾乳雜沙泥不相聯接採人車戽

深水甚難得之或大或小不踰數尺奇巧萬狀多是全質每一石則有聯續尖銳十數峰高下峭拔嵌空全若大山氣勢亦有如拳大者又於巉巖嶮怪巘竇中出石筍或欹斜尖細互相撐拄之勢蓋石生溪中爲風水衝激融結而成奇巧又有峰巒聳秀洞穴委曲相通底座透空堪施香燼若烟雲縈遶亂峰間一種色深青石理如刷絲捫之輒隱手又一種青而滑或以磁末



刷治而顏色皆溫潤扣之有聲間有質朴全無  
巧勢者石性稍礪不容人爲非靈壁可增嶮怪  
開化石  
衢州開化縣龍山深土中出石雖礪或巉巖可  
觀色稍燥扣之有聲又地鰲灘亦多產石水中  
色稍青潤石質骨麓而肉細率皆全質間有群  
峰前後羅列若大山氣勢比之思溪無峭崿勢  
扣之亦有聲

### 澧州石

澧州石產土中磊砢而生大者尺餘亦有絕小  
者頗多險怪巉巖類諸物狀其質爲沙泥積漬  
費工刷治石理遍鋪絲捫之隱手青白稍潤有  
白脉籠絡工人不知貴士大夫多攜歸裝視假  
山高視之頗類鴈蕩諸奇峰

### 英石

英州含光真陽縣之間石產溪水中有數種一



微青色有白通脉籠絡一微灰黑一淺綠各有峰巒嵌空穿眼宛轉相通其質稍潤扣之微有聲又有一種色白四面峰巒聳拔多稜角稍瑩澈面面有光可鑑物扣之無聲採之人就水中度奇巧處鑿取之此石處海外遠賈人罕知之然山谷以謂象江太守費萬錢載歸古亦然耳頃年東坡獲雙石一綠一白目爲仇池人鄉人王郭夫亦嘗攜數塊歸高尺餘或大或小各有

可觀方知有數種不獨白綠耳

### 湖口石

江州湖口石有數種或在水中或產水際一種色青混然成峰巒巖壑或類諸物狀一種匾薄空嵌穿眼通透幾若木板似利刀剜刻之狀石理如刷絲色亦微潤扣之有聲土人李正臣蓄此石大爲東坡稱賞目之爲世中九華有百金歸賈小玲瓏之語然石之諸峰間有外來奇巧



者相粘綴以增嶮怪此種在李氏家頗多適偶  
爲大賢一顧彰名今歸尚方久矣又有一種挺  
然成一兩峰或三四峰高下峻峭無拽脚有向  
背首尾一律或大或小土人多綴以石座及以  
細碎諸石膠漆粘綴取巧爲盆山求售正如僧  
人排設供具兩兩相對殊無意味

### 袁石

袁州萬載縣去縣十餘里石無數□野田間其

質嶙峋微青色間多峰巒巖竇四向又有石罅  
中上下生小林木蒼鬱可喜或高三四尺或五  
六尺全如一大山氣勢經行凡數百步不斷目  
地名爲亂石里土人以石占田確有妨布種恨  
不之去惜乎地遠人罕知之

### 平泉石

平泉石出在口關中考之李德裕平泉莊記草  
木花石之美其石產水中每獲一奇皆鑄有道



二字頃余於潁昌杜欽益家賞一石雙峰高下有渲道挺然長數寸許無嵌空巖竇勢其質不露圭角磨礪光潤而青堅於石罅中鐫有道二字扣之有聲

兗州

兗州出石如褐色謂之栗玉有巉巖峰巒勢無穿眼其質甚堅潤扣之有聲堪爲器頗費鐫礪土人貴重之與北虜所產栗頗相類但見峯巒

一律耳

永康石

蜀水永康軍產異石錢遜叔遺途一石平如板厚半寸濶六七寸於面上如鋪一紙許甚潔白上有山一座高低前後凡十數峯劇有佳趣迴邊不脫其底山色皆青黑溫潤而堅利刃不能刻扣之有聲清越目爲江山小平遠遜叔得自蜀中部使者云出自永康軍後未見偶者



排牙石

臨安府府署之側一山甚高名拜郊臺錢氏故跡向山之巔險峻處兩邊各有列石數十塊從地生出者峯巒巉巖穿眼委曲翠潤而堅謂之排牙石

品石

建康府有石三塊頗雄偉有巖洞嶮怪色稍蒼翠遍產竹木茂鬱可觀石罅中有六朝唐宋諸

公刻字謂之品石

永康石

永州州署依山廳事之東隅頃歲太守黃叔度因其地稍露山骨除治積壤十餘尺得真山一座凡八九峯巖洞相通翠潤可喜遍有唐人刻字於諸峯之側甚奇右有一石橫尺餘聯綴石上全若水禽因引泉出水潄滿巖竇其石正浮水面亦有唐人刻字目之爲鸚鵡石又群山之



石譜  
後下廣二頃餘率皆怪石羅布田野間或爲居  
人蔽隱元次山荆萬石亭於郡之山巔

石筍

石筍所產凡有數處一出鎮江府黃山一產商  
州一產益州諸郡率皆臥生土中採之隨其長  
短就而出之或有斷而出者大者二三尺小者  
尺餘皆微著土者其質挺然尖銳或匾側有三  
面紋理如刷絲起隱於石面或得澗道徹扣之

或有聲石色無定間有四面停者又有高一二  
丈首尾一律因斧鑿修治而成

秦巖

襲慶府秦山石產土中大小踰三四寸間有磊  
塊碎小者色灰白或微青亦有嵌嶮奇怪之勢  
其質甚軟一施鐫礪土人不甚珍愛

嶧山石

嶧山在襲慶府鄒縣山土中產美石間有巖穴



石譜  
穿眼眼不甚宛轉深邃亦有峯巒高下無嶒崿  
勢其質堅礪不容斧鑿色若拔藍或如木葉翠  
潤可喜

耒陽石

耒陽縣土中出石磊砢巉巖大小不等石質稍  
堅一種色青黑一種灰白一種黃而斑四面奇  
巧扣之無聲可置几案間小有可觀

襄陽石

襄陽府去城十數里有山名鳳皇地中出石橫  
長尺餘或如拳者巉巖嶮怪往往如大山勢色  
稍青黑間有如灰褐者扣之有聲土人不甚重  
政和間惟鎮江蘇仲恭留臺家有數塊置几案  
間

黃山石

鎮江府去城十五里地名黃山在鶴林寺西南

峴山石





原件短缺



峴山在黃山之東皆產石土中小者或全質大者或鑿取相連處奇怪有萬狀色黃清潤而堅和之有聲間有色灰褐者石多穿眼相通可出音

### 排衙石

鎮江蘇仲恭留臺家有一石如蹲獅子或如睡鷓鴣羅列八九狀太守梅知勝目之爲蘇氏排衙石又有一石筍高九尺有奇混然天成目之

### 清溪品目相類

#### 盧溪石

袁州石出溪州中色稍青黑有嵌空嶮怪勢大者高數尺鮮有小巧者唐盧肇隱居草堂溪水之側堂前立一大石高丈餘三峯九竅甚奇怪指謂盧溪石崇寧間欲輦置內府以石背多有前人刻字語或時忌遂止之

#### 卞山石



石譜  
湖州西門外十五里有卞山在郡山最爲嶒峩  
頃朱先生所居產石奇巧羅布山間嵌石礪磈  
色類靈璧而清潤尤勝葉少蘊得其地蓋堂以  
就其景故號石林石上皆有李唐游人題字自  
顏魯公而下悉署焉又州之西北鳳皇山後地  
名前山於亂篠間有石生土中下多流泉石質  
嵌空嶮怪往往多穿眼青翠如湖口悉高大鮮  
有小者宣和間嘗使土人取之重不可致今有

數塊留道傍

涵碧石

婺州東南縣之南五里有涵碧池唐令于典宗  
得其勝槩鑿池面瀑布有二大石魚置池面魚  
之前有石一塊高二尺許嶮巖可觀石之半間  
凹然如掌羅列江東著書嘗以爲研好事者每  
往游覽劉禹錫有詩在集中

吉州石



石譜  
吉州安福縣之東二三里秀嶺石產土中不相連綴其質巉巖清潤扣之有聲間有三兩面或混然窒塞高數尺無小巧者又有白馬廟去縣之東二十餘里土中亦出石石質稍青或色稍白四面嵌空嶮怪又有佛僧潭在縣之西十四五里產潭上土中亦清潤嵌空穿眼宛轉扣之或有聲又有一種如大山四面峭峯勢間有小巧者或云潭遠處側皆枯燥無聲色亦灰白

又縣西六十里慶雲鄉地名久石巉山極高峻中有一巖深邃可容千餘人巖之側土中出石或大或小嵌空巉巖四面峙石少有穿眼多類物像宛然天成凡此四種若白馬廟石加之清潤有全美矣

### 全州石

全州湘江一帶泝流而上江邊兩岸狹處間有土石山懸石如鍾乳嵌空巉巖萬狀扣之聲清



越其色若靈壁青翠可喜余舟過石側擊取數塊高尺餘甚奇巧

### 何君石

臨安江軍新塗縣玉笥山玉梁攔有澗洞名何君按圖經十人避秦九人仙去獨何君爲地仙居其洞故因號焉巘洞透邃中有石棋枰山之前後聞產巨石皆嶮怪昔何君洞有一石懸於洞口其狀如雲廣數尺巉巘秀碧扣之無聲土

人云何氏繫取置亭榭中

### 孰潭石

筠州高安縣之東北有水出自豐城號濟步江自江口入四十里地名孰潭水中多產巨石嶙峋四面無峭峯勢穿眼委曲不甚蒼翠鮮有小巧者

### 洪巘石

饒州府樂平縣東山鄉地名洪巘有三洞名木



梓樹水巘各有巘穴炬火而入自水巘上半間可不數十丈方到底聞水聲如雷窮之即無水源其洞中有石田鐘鼓磬仙人帳若人力所為其山高下巉巘翠壁巘穴中有石佛羅漢相儼如生凡高十餘尺

### 韶石

韶州黃牛灘水中產石峰巒巉巘百怪其色或灰扣之微有聲凡就水採取例皆枯燥須用磁

末刷治即色稍青其質頗與道州永明石品相類間有奇巧小者

### 袁州石

袁州分宜縣距縣二十里有五侯嶺

侯或云猴猴字未詳

其嶺上四旁皆山石崖崑峭絕若劃裂摧倒勢

義其嵌空多狙猿凡山下石或立或伏當是山上飛墮者石色紺青不潤澤玲瓏奇怪萬狀間有數人可遠致者臨江士人魯子明有石癖嘗親



訪其處以魚舟載歸滿灘列置所居又去縣十里有石洞名洪陽游者持炬以入聞有十六室詭怪百狀又有石乳石田牛羊鐘鼓凡倉廩牀榻之類石帆高數丈段段有邊幅如有船檣所駕暴疾風狀石田頃畝與其無異凡洞高處刻唐人題字彷彿可辨父老云是晉葛洪婁陽二仙所隱得名其洞穴深邃不可徧覽頃一道人結菴輒盡游其室賫糧秉炬才歷數室間洞上

有篙撐船聲駭懼而返

### 萍鄉石

袁州萍鄉縣百未里北名石觀突岬一山石洞穴深六七丈巖上垂石如鍾乳高低無數嵌空怪奇巧可去古山之側近側皆有怪石隱草木中土人不知貴

### 修口石

洪州分寧縣地名修口深土中產石五色斑斕



全若玳瑁石理細潤或成物像扣之稍有聲土  
人就穴中鑄礮爲器頗精緻見風卽勁亦堪作  
硯粗發墨

### 魚龍石

潭州湘鄉縣山之顛有石臥生土中凡穴地數  
尺見青石卽揭去謂之蓋石自青石之下微青  
或灰白者重重揭取兩邊石面有魚形類鯪鯽  
鱗鬣悉如墨描穴深三二丈復見青石謂之載

魚石又之下卽着沙土然選擇數尾用相隨游  
泳或石紋斑剝處全然如藻荇凡百十塊中無  
一二可觀大抵石中兩面如魚龍形反側無序  
作蜿蜒勢鱗鬣爪甲悉備尤爲奇異土人多作  
僞以生漆點綴成形但刮取燒之有魚腥氣乃  
可辨所產真者又隴西地名魚龍掘地取石破  
而得之亦多魚形與湘鄉所產無異豈非古之  
陂澤魚生其中因山類塞歲久土疑爲石而致



然杜甫詩有水樂魚龍夜山空鳥鼠秋正隴西  
耳

### 萊石

萊州青色青黯透明斑剝石理縱橫潤而無聲  
亦有白色石未出土最軟土人取巧鐫雕成器  
其輕妙見風卽勁或爲鐺銚久堪烹飪有益於

銅鐵

### 號石

號州耒陽縣石產土中或在高山其質甚軟無  
聲一種色深紫中有白石如圓月或如龜蟾吐  
氣白雪之狀兩兩相對土人就石段揭取用藥  
點化鐫治而成間有天生如圓月形者極少得  
之昔歐陽永叔賦雲月石屏詩特爲奇異又有  
一種色黃白中有石紋如山峯羅列遠近澗壑  
相亦是成品修治鐫削度其巧輒乃成物像以  
手礮之石面高低多作硯屏置几案間全如圖



畫詢之士人石因積水浸漬遂多斑斕

### 階石

階州白石產深土中性甚軟扣之或有聲大者廣數尺土人就穴中鐫刻佛像諸物見風卽致勁以滑石末治令光潤或磨礮爲板裝置硯屏瑩潔可喜凡內府遣投金章玉簡於名山福地多用此石以朱書之

### 登州石

登州海岸沙土中出石潔白或瑩徹者質如芡實粒圓熟間有大者或如櫻李土人謂之彈子窩久因見風濤刷激而生

### 松化石

產婺州永康縣松林頃因馬自然先生在山一夕大風雨忽化爲石仆地悉皆斷截大者徑三二尺高有松節脂脉紋土人運而爲坐具至有小如拳者亦堪置几案間



穿心石

襄州江水中多出穿心石色青黑而小中有小  
竅土人每因春時竟向水中摸之以卜子息亦  
雜他石頃年家弟守官偶步水際獲得一青石  
大如鵝卵白脉如粉書草字兩行把玩累日爲  
貴公子奪去復搜求之不可再得

洛河石

西京洛河水中出碎石頗多青白間有五色斑

爛採其最白者入鉛和諸藥可燒變假玉成琉  
璃用之

零稜石燕

永州零稜石燕昔傳遇雨則飛頃歲余涉高巖  
石上如燕形者頗多因以筆識之石爲烈日所  
曝偶遇驟雨過凡所識者一一墜地益寒熱相  
激墜落不然飛爾土人有石板上磊變如燕形  
者呼爲燕窩



相州石

相州之北十里地名梨園漳河水中出石數種或如濃墨圓點或紋如深廣匾頭頗堅潤土人謂之量鼓石堪琢爲器物亦磨作鎮紙其價甚廉

西蜀石

西蜀水中出石甚堅潤色黑白石理遍有匾紋如豆大中有紋如桃杏花心土人鑄礮爲龜蟾

鎮紙又一種紋理如濃墨勻作圈點尤溫潤又一種微點黑石理稍麓澀又一種班黑光潤龜背上作盤蛇勢或白或朱土人以藥點飾謂之玄武君

瑪瑙石

峽州宜都縣產瑪瑙石外多沙泥積漬凡擊去麓表紋理旋繞如刷絲間有人物鳥獸雲氣之狀土人往往求售博易於市泗州盱眙縣寶積



山與招信縣自產瑪瑙石紋理奇怪宣信間招

信縣令

姓其

獲一石於村民大如升其質甚白

既磨礮中有更龍作蜿蜒盤屈之狀歸貢內府

### 奉化石

明州奉化縣誦山大石中凡擊取之卽有平面

石色微黃而潤扣之無聲其紋橫裂兩道如

細墨描寫一帶夾徑寒林煙霧朦朧之狀或如

濃墨點染成高林與無爲軍所產石屏頗相類

但石質頑廣凡鐫治旋薄則縱橫斷裂亦可加工磨礮爲硯屏土人不知貴

### 吉州石

吉州數十里土中產石色微紫扣之有聲可作硯甚發墨但膚理頗曠燥較之永嘉華嚴石爲硯差勝土人亦多鐫琢爲方斛諸器

### 婺源石

徽州婺源石產水中者皆爲硯材品色頗多一



種石理有星點謂之龍尾蓋出於龍尾溪其質堅勁大抵多發墨前世多用之以金星爲貴石理微麓以手摩之索索有鋒鋸者尤妙深溪爲上或如刷絲羅紋棗心或如瓜子或眉子兩兩相對又一種色青而無紋大抵石質貴清潤發墨爲最又有祁門縣文溪所產青紫石理溫潤發墨頗與後歷石差堅近時出處價倍於常土人各以石材厚大者爲貴又徽州歙縣地名小

溝出石亦清潤可作硯但石理頗堅不甚判墨其紋亦有刷絲者土人不知爲貴

### 通遠石

通遠軍卽古渭州水中有蟲類魚鳥形扣之有聲土人見者多以挺辦或堅物擊之多化爲石石色青黑溫潤堪爲礪之質石或長尺餘價值數十千凡兵刃用此磨治者青光而不鏽

### 六合石



真州六合縣水中或沙土中出瑪瑙石頗細碎有絕大而純白者五色紋如刷絲甚溫潤瑩徹土人擇紋采或斑斕點處就巧碾成物像

### 蘭州石

蘭州黃河水中產石絕有大者紋綵可喜間於群石中得真玉璞外臙又有如物像黑青者極溫潤可試金者頃年余獲一圓青石大如柿作鎮紙經宿連簡冊輒溫潤後以器貯之凡移時

有水浸潤一日墜地破而爲三四段空有小魚一枚纔寸許跳擲頃刻卽死

### 溜州石

溜州石其質甚白紋理偏有斑黑鱗鱗如雲氣之狀色稍潤扣之稍有聲土人鑄治爲方斛諸器

### 鼎州石

鼎州祈闈山出石石中有黃土目之爲太一餘



糧色紫黑其質磊塊大小圓區外多沾綴碎石  
滌盡黃土卽空虛間有小如拳者可貯水爲見  
滴或栽植菖蒲水窠頗佳

壽春石

壽春府壽春縣紫金山石出土中色紫琢爲硯  
甚發墨扣之有聲余家舊有風字樣硯甚發墨  
皆輕薄皆遠故物

絳州石

絳州石出土中其質堅礦色稍白紋多花浪頗  
類牛角土人謂之角石堪琢爲硯唯可研丹砂  
滑而不發墨

辰州石

辰州蠻溪水中出石色黑諸蠻取之磨刃每洗  
滌水盡黑因名黑石扣之無聲彷彿如階州者  
土人琢爲方斛器物及印材龕佳亦堪製爲硯  
間有溫潤不可多得



石譜  
三  
肅慎氏石矢

臨江軍新淦縣數十里地名白羊角凌雲嶺頂上平如掌皆古時寨基地中往往獲石箭鏃鋒而刃脊其廉可刺其質則石長三四寸許間有短者此孔子所謂楛矢石弩肅慎氏之物也按禹貢荊州貢砥礪砮丹惟箇輅楛梁州青鏐銀鏐砮砮則楛矢石弩自禹以來貢之矣春秋時準集於陳庭楛矢貫之石弩長尺有咫尺有石

甲葉形如龜背紋稍厚石斧大如掌有貫木處率皆青堅擊之有聲

上猶石

處州上猶縣山土中出石微紫質稍麓多淺黑斑點兩暈外暈綠色堪作水斛或欄檻好事者往往鐫礮甃地面全如玳瑁

螺子石

江寧府江水中碎石謂之螺子凡有五色大



抵全如六合縣靈居巖及他處所產瑪瑙無異  
紋理縈繞石面望之透明溫潤可喜

栢子瑪瑙石

黃龍府山中產栢子瑪瑙石生瑩白上生栢枝  
或青或黃甚光潤頃年白蒙亨奉使北虜虜主  
遺以一石大若桃上有鴿鴿如豆許栖栢枝上  
頗奇怪又有一種多中空不瑩徹餘獲一塊棗  
大如貯藥數百粒

寶華石

涇州天台縣石名寶華出土中其質頗與萊州  
石相類地之無聲色微白紋理斑斕土人鑄礮  
作器皿稍工或爲鐃鈔凡經火不堪堅久

石州石

石州產石深土中色多青紫或黃白其質甚軟  
頗類桂府滑石微透明土人刻爲物像及品物  
甚精巧或雕刻圖畫印記字畫極深妙



鞏石

鞏石舊名通遠軍西門寨石產深土中一種色綠而有紋自爲水波斷爲硯頗溫潤發墨宜筆其穴歲久頽塞無復可採先子頃有圓硯贈東坡公目之爲天波

燕山石

燕山石出水中名奪玉瑩白堅而溫潤土人琢爲器物頗亂真

韶石

韶州石綠色出土中一種色深綠可鐫礮爲器一種青綠相兼磊砢或如山勢者一種色稍次一種細碎雜砂石以水烹研作數品入顏色用大抵穴中因銅苗氣薰蒸卽此石共產之

桃花石

韶州桃花石出土中其色粉紅斑斕稍潤扣之無聲可琢器皿或爲鎮紙



端石

端州今爲肇慶府石出斧柯山距州三四十里  
所謂靈羊峽對山也凡四種曰巘石曰小湘石  
曰後歷石曰蚌坑而巘石最貴山極高峻以漁  
舟入小溪卽蚌坑水陸行七八百步至下巘十  
步許步至上巘自上巘轉而南凡百餘步至龍  
巘上巘各三穴下巘一穴半邊上穴凡九十餘  
穴然又以下巘爲勝龍巘乃唐初取硯處色正

紫而細潤不及下巘後不得入龍巘遂不復取  
之今下巘石盡遂取諸半邊巘近亦塞矣獨上  
巘可取之今下巘一穴泉水溢歲久石屑崩塞  
雖千夫終歲功亦不可得之凡北壁石在水底  
石色乾則灰青紫色濕則深紫眼正圓有瞳子  
暈數十重綠碧白黑相間如画青綠處類翡翠  
色南壁石則水半石也上巘三穴則土地巘中  
巘穴卽梅株巘下穴今俗呼爲中巘上穴中穴



今已塞矣而下穴中亦能開路採石之處丁無  
積水上有泉滴如飛雨石色乾濕與下巖同但  
稍多紫色北壁者與下巖南壁相類下穴南壁  
者石色以微帶黃色眼有瞳子暈七八重青黃  
綠白黑相兼已不及北壁眼無暈矣上穴中穴  
石色益黃其眼亦赤黃色半邊山諸巖曰大秋  
風曰小秋風曰獸頭曰獅子曰桃花曰河頭曰  
新坑曰黃坑其石亦類下穴但眼暈只三四重

色赤青碧可愛唯層暈稍駿雜耳凡巖石有兩  
壁各石三層三層之上卽復石也石色燥甚下  
卽底石也石色雜雖潤不發墨凡三層之石從  
上第一層謂之頂石皆素第二層腰石或有眼  
或無眼第三層脚石卽無眼大抵有眼石在本  
巖中尤細潤下巖石謂之鳩鵲眼上巖下穴謂  
之鸚哥眼上巖下中穴謂之雞翁貓兒眼半邊  
山謂之雀兒眼了哥眼土人以此別之



小湘石

在端州之西四十里石色紫稍燥間有眼者類  
雀眼但無瞳子後歷石在端州北十里色赤紫  
石極細不甚潤石性極軟間有眼者但一兩暈  
蚌坑在下巖之一小溪今其歲久中崩落之石  
久爲風日所侵性堅頑極不發墨石色止紫瑩  
淨間亦有眼無層暈色駁雜大抵諸石在穴中  
正如石榴子隔隔各有石札籠絡中有硯材大

小旣施斧鑿十分之中可得三四許又有一種  
圓如瓜瓠中有其質謂之子石尤佳極鮮得之  
下巖之價二十倍於上巖下穴上石之價十倍  
於半邊山諸坑價十倍於小湘價倍於蚌坑後  
歷絕品亦不過十來千

白馬寺石

河南府白馬寺之野中每大雨過土中多獲細  
石頗碎一種色深紺綠類西蕃馬價珠一種色



稍次一種色淡綠紋理多斑剝鮮有瑩淨者間有刻成佛像其大不過如梅李色深綠者價甚穹此石產外國蓋西落故都之地卽有之又於土中獲銅帶鈎填以七寶雜諸細石粲然可喜

### 密石

密州安丘縣瑪瑙石產土中或出水際一種色微青一種色瑩白紋如刷絲盤繞石面或成諸

佛像外多麓石籠絡擊而取之方見其質土人磨治爲硯頭之類以求售價頗廉亦不甚珍至有材人以此石疊爲牆垣有大如斗許者頃因宮中搜求其價數十倍

### 黃巖石

台州黃巖縣有山名方山其山之顛狀如斗因以得名凡中所產石不以巨細有數色率皆方形其質稍麓



石言  
三十一  
鸚鵡石

荆南府有石如巨碑行路隅色率皆方形其質淺綠不甚堅名鸚鵡石擊取以銅盤磨其色可靖笙器皿紫色亦堪作硯頗精緻發墨

紅絲石

青州縣紅絲石產土中其質赤黃紅紋如刷絲縈繞石面而稍軟扣之無聲琢爲硯先以水漬之乃可用益石質燥渴頗發墨唐林甫唐猷頃

作墨譜以此石爲上品器

石綠

信州鉛山縣石綠產深穴中一種融結爲山巖勢不甚堅一種稍堅於練色中及如刷絲極深者鑄礮爲器向明視之頗光燦閃色又有一種淡綠或細碎者入水烹硯可裝飾

無爲石

無爲軍石產土中性甚軟凡就土揭取之見風



卽勁兩面多栢枝如墨描寫石色帶紫或灰白  
間有紋理或成岡巒遍列寒林中有徑路全若  
圖画之狀頗奇持又有彷彿類諸佛像土人裝  
治爲屏頗自然勝飾略諸生石

泗州石

泗州竹墩鎮碼礮石出砂土中其質礪硯外多  
沙泥積漬或如灰粉籠絡凡擊去粗面中有本  
色微青白稍瑩徹無刷絲紋工人溢爲器物頗

亦及珍貴

礮石

鶴巢中有石亦名礮或如雞卵色灰白鶴於巢  
側爲泥池中多置鰍鱖之物蓄水以此物養  
之每採取則吞而飛去頗難得頃年溫州瑞安  
縣佛舍嘗有鶴巢因端午晨朝一人忽登屋謀  
取爲人所捕訟詢之云竊取可以致富不利於  
市今膚理頗礦燥較之永嘉華石爲硯差勝土



人亦多鐫琢爲方斛諸品

### 金華石

婺州金華山有石如羊蹲狀余於僧寺見之耳  
角尾足彷彿高形似六七尺傳云黃初平叱石  
之山正與筆談中所載無異但未見偶者

### 松磁石

荆南府松磁縣溪水中出五色石間有瑩徹紋  
理溫潤如刷絲正與真州碼礮石不異土人未

### 知貴

### 菩薩石

嘉州蛾眉山正與五臺山石相似出巖竇中名  
菩薩石其色瑩潔狀如太山狼牙信州永昌之  
類映日射之有五色圓光其質六稜或大如棗  
栗則光彩微茫間有小如櫻珠則五色燦然可  
喜

### 于闐石



石譜  
于闐國石出堅土中色深如藍黛一品斑爛白  
脉點點光燦謂之金星石一品色深碧光潤謂  
之翡翠屢試之正可屑金潤而無聲然石之一  
段凡廣尺餘擇其十分之一二無纖毫瑕玷者  
極少故所產處貴翡翠而賤金星

### 黃州石

黃州江岸與武昌赤壁相對江水中石五色  
斑爛光溫瑩微紋如刷絲其質或成諸物像率

皆細碎頃因東坡先生以餅餌易於小兒得大  
小百餘枚作怪石供以遺物迹後亦爲士大夫  
所採玩

### 華嚴石

溫州華嚴石出州水中一種色黃而斑黑一種  
色紫石理有橫紋微粗扣之無聲稍潤土人鐫  
治爲方圓器紫者亦堪爲硯頗發墨本所載礬  
石凡有數種產漢川武當西遼諸處舊巢中最



石譜  
佳鶴嘗入水冷故取以壅卵令熱今不可得之

建州石

建州石產土中其質堅而稍潤色極深紫扣之有聲間有如豆點不甚圓亦有二兩重石暈琢爲硯頗發墨往往以石點名鴝鵒眼作端石以求售

汝州石

汝州碼礪石出沙土或水中色多青白粉紅瑩

徹少有紋理如刷絲其質頗大堪治爲盤盒酒器等十餘年來方用之

鍾乳石

廣連豐柳等州多鍾乳洞洞有石龜蛇蟾蟹蝦蜓及果蔬一一堅質或顏色如生蓋因鍾乳石點化成石余頃年屢於洞中獲此數種攻之本載石蟹是尋常蟹生南海因年月深久水沫相着間化石名每遇海潮卽飄入又一般入洞穴



年深亦然因鍾乳點化無疑

### 飯石

婺州東陽縣雙林寺傳大夫道場山中產石凡有青白紫綠色皆瑩徹謂之飯石石質細碎堪治爲數珠或作鎮紙

### 量土石

西蜀諸山多產墨玉在深土中其質如石色深黑體甚輕軟土人鐫治爲帶勝或器物極潤

### 南劔石

南劔州黯淡溪水出石石質深青黑而光潤扣之有聲作硯發墨宜筆土人琢治爲香爐諸器

極精緻

東坡所謂鳳尾研硃是也

### 石鏡

永州祁陽縣語溪山巖之側有立石一片廣數尺色深青潤光可照物數十步工人謂之石鏡焉杭州臨安縣山中一石光明如鏡頗類



琅玕石

明州昌國縣沿海近淺岸水底生琅玕狀似珊瑚或高三二尺尤繁茂漁獵者多得之初出水色甚白經久微紫黑紋理如彊枝幹一律遍多圓圈跡扣之有聲稍燥土人不甚貴西北遠方往往多裝治假山

菜葉石

漢川郡菜葉玉石出深土凡鐫取條段段廣尺

餘一種微色如藍一種微青面多深青斑剝透明其堅潤扣之有聲土人澆沙水以鐵刃解之成片爲響板或界方壓尺亦磨礮外爲器

滄州石

滄州海岸沙中出石石質長短不等色白如粉以細條縈繞石謂之絡絲石甚軟燥而無聲每見裝綴假山餘無所用

方城石



唐州方城縣石出土中潤而頗軟一淡綠一深紫一灰白色質細膩扣之無聲堪鐫治爲方斛器皿紫者亦堪爲硯頗精緻發墨致訟詢之云竊取可以致富不利於寺今本草所載礬石凡有數種產漢川武當西遼諸處舊傳鶴巢中最佳鶴嘗入水冷故取壅卵令熱今不可復得之

### 登州石

登州下臨大海有沙門鼉磯島多產黑白石磨

礬爲棋子又有車牛大竹小竹凡五島唯沙門甚近石有挺然而出者頗焦枯他處者紫翠巉巖出波濤中及多秀美五彩斑斕或如金紋者熙寧間士大夫就諸島上取石得十二枚皆燦然奇怪因船舶載歸南海爲東城稱賞之

### 王山石

信州王山縣地名賓賢鄉石出溪澗中石色清潤扣之有聲土人採而爲硯頗剉墨比來翻製



石譜  
新樣如蓮杏葉頗適人意

雪浪石

中山府土中出石灰黑燥而無聲溫然成質其紋多白脉籠絡如披麻旋繞委曲之勢東坡常作山中採一石置於燕處目之爲雪浪石

杭石

杭州石出土中色多潔白扣之無聲其質無峰常勢偏多磊砢若梅李大尖銳或如硃砂微有

稜角望之光明積學頗宜裝綴似山

大沱石

歸州石出江水中其色青黑有紋斑如鵝卵石頗粗可爲硯土人互相貴重甚發墨峽人謂江水爲沱故名大沱石

青州石

青州石多紫金產深土中可琢爲硯其質稍粗不甚發墨土人多用之



石譜  
龍牙石

潭州寧鄉縣石產水中或山間斷而出之名龍牙石色稍紫潤堪治爲硯亦發墨土人頗重之  
石碁子

鄂州沿江而下隔羅漢之西土名石匱頭水中產石如自然碁子圓熟匾薄不假人力黑者用試金白者如玉溫潤山下有姥老鬻此石以爲生相傳神憐媪故以此給之

分宜石

袁州分宜縣江水中產石一種紫色稍堅而溫潤扣之有聲縱廣不過六七寸許亦罕產不嘗得土人於水中採之磨爲硯發墨宜筆但形製稍朴須藉鐫礪

鍾乳石

婺州金華縣智者三洞洞中產石巉巖如雪洞土間有懸石如鍾乳色灰白嵌空頃余於洞上



石譜  
獲一名大如拳高數寸若二龍交尾纏繞鱗鬣  
爪甲悉備石之中有數竅因植蓀爲好事者求  
去亦名鍾乳點化所成又洞中有石鼓石磬擊  
之各有聲

浮光石

光州浮光山石產土中亦潔白質微麓燥望之  
透明扣之無聲彷彿如階州者土人琢爲斛器  
及印材麓佳



